

四庫全書

史部

欽定四庫全書

史部

欽定平定臺灣紀畧卷二十八至三十

內閣中書臣沈鵬覆勘

武英殿纂修中書臣彭元琬

欽定平定臺灣紀略

安平定臺灣紀略卷二十

七月二十八日

臣

上命軍機大臣傳諭常青侍先藍元枚柴大紀曰副將林天洛叅將廖光宇病故賁缺業經委員署理但現在臺灣勦捕逆匪正在需人之際若由部推補前抵臺灣未免稽遲而且于打仗出力人負不足以示鼓勵著常青即於軍營帶兵人負內擇其奮勇出力

者不拘廣東浙江及福建本省即遴選二員補授行軍之際全在得人不妨通融拔補以示鼓勵原不必拘定本省也即嗣後遇有缺出常青等俱應就隨征出力人員酌量揀補俾勇敢負弁知所獎勸再昨據常青等奏賊匪將道路削小田水堵滿賊人屯剽之所俱有蔗園深溝阻碍去路等語道路既經削小官軍人馬難行則賊匪行走自亦不易乃數月以來賊人四出侵犯動稱數萬是皆由何道而行乎而官兵輒

以道窄涉淤為辭豈賊能行而官軍即不能行有是
理乎況行軍之道貴在隨宜制變即遇崎嶇險阻而
亦當設法開道直前摧破豈得因小有阻隔即株守
坐待之理若因賊匪鬼蜮伎倆削小道路放水淤陷
即束手無策則從前平定金川時跬步皆山又將何
以進兵破賊耶常青等務宜悉心籌畫設法前進以
期迅速藏事斷不可因循坐待以致師老力疲為要
同日李世傑閔鶚元同奏言初次撥運川米二十

萬石約需用海船三百數十隻先經竭力雇備除
撥運江省兩起米石配用外尚餘可用船一百二
十餘隻又浙省除續押送到船一百隻尚不敷船
一百數十隻今次續撥川米三十萬石約需用船
五百數十隻通計共尚需催備海船七百隻始足
敷用臣等同司道悉心籌議查由江浙運米至閩
必需往來閩鹿之船方得熟悉海道沙線情形而
每年秋冬兩季北風司令粵閩貿易海船由江浙

而往閩粵者較多由閩粵而來蘇者甚少且此時
閩省辦理軍務需用船隻必多此次江浙兩省運
米赴閩之船計有四百餘隻若閩省盡行截留恐
現需配載川米之船未能尅期辦足或致轉運停
留殊有關係臣等現在飛移閩省督撫通盤籌酌
或催令商販之船趕緊來赴江浙或江浙運米赴閩之船
配給水腳交與江浙委員押迴以裕配載川米之
用臣等仍同琅玕將各海口續到之船實力搜查

儘數截留並酌給守空飯食銀兩以俟川米一到
隨即配載起運如此寬為雇備庶可不致稍遲奏

入

上命軍機大臣傳諭李世傑閔鶚元琅玕曰閩省米石
闕係軍糈要務所有運米海船自應預為封僱不致
臨時遲悞但該督等惟當核計應運米石所需船隻
先時籌備足敷運載即毋庸多為封僱此等海船俱
係裝載貨物各處售賣若截留太多致商賈聞風裹

足將來天津等處商船稀少必致百貨騰貴於京師
日用所需大有闕碍且摺內稱現在督率府縣於海
口趕緊多方搜羅毋得隱匿私放辦理固屬認真但
恐不肖州縣一任胥吏從中借端需索滋擾以致各
商船戶從而受累更致裹足尤屬不成事體不可不
嚴行查察管束著李世傑閔鶚元琅玕務需悉心籌
酌招集海船足資運送即可停止封僱并隨時嚴行
稽察毋使商販等稽延守候吏胥乘間擾累方為妥

善

二十九日

甲午

徐嗣曾奏言浙江滿兵一千五百名

由浦城陸路送至蚶江登舟赴鹿耳門較為便捷

臣派委糧道凌廣赤及署臬司戚蓼生分赴建寧

延平等處往來彈壓茲頭起兵二百五十名據報

於十三日已到延平約十八日可抵省城以後各

起俱間日接續而至臣接送一二起後即先馳赴

蚶江料理配渡以期迅速前進至閩省粵省先經

預調兵四千名已經全抵臺灣其續調粵兵五千
五百名本月下旬俱可到厦當此大兵雲集糧餉
火藥等項甚關緊要臣嚴飭各屬勒限轉運不致
遲悞其浙江餉銀已過省者二十萬米石已到泉
厦者七萬有餘火藥鉛彈等項亦俱源源而至臣
於陸續到省時親加照料迅飭押運前進江西米
石由光澤縣灘河撥載現飭延建邵道元克中在
該處專司督辦兵威倍加壯盛軍需亦甚充裕近

據副將徐鼎士淡防同知徐夢麟等稟報訪知白石湖山內奸良錯處官兵往捕始初竟敢擲石抗拒該副將等商同勦撫並用先為剴切示諭隨即派委文武員弁帶領義民人等步行上山開誠撫慰即有扶掖歸順者三千餘人細詢情形始知賊本不多見百姓下山餘匪奔竄當即擒獲要犯彭喜等數名又於鹿藿金包裹等處招出難民千餘人護送歸莊趕種晚禾徐鼎士現已帶兵前駐大

甲溪搜勦彰化賊匪等情經督臣飭撥餉銀五萬
兩解往為賞恤義勇難民之用至鹿仔港難民聚
集甚多自五月初旬運到米薯設廠煮粥陸續賑
給所全活者不下數萬人復經提臣藍元枚就難
民內勇壯者挑作義民以助戰守寔屬一舉兩得
奏入

上命軍機大臣傳諭李侍堯藍元枚曰白石湖山內賊
匪經徐鼎士等帶兵搜捕並令兵役義民人等開誠

撫慰即有扶掖歸順者三千餘人鹿藿金包裹等處
又招出難民千餘人俱經該副將送歸各庄安業可
見賊黨雖衆如果能設法招徠勸撫互用無難即行
解散此事徐嗣曾既得該副將稟報則李侍克駐劄
厦門豈有不得信息之理何以並未據該督奏及又
藍元枚前于六月二十五日奏到摺內只稱據徐鼎
士稟報淡水白石湖賊本無多已經拏獲從賊之叅
草守備彭喜解送督臣究辦賊匪逃入金包裹後山

等語而于該副將招撫歸順之三千餘人及鹿藿金
包裏難民千餘人護送歸庄之處並未奏及該叅贊
駐劄鹿仔港距淡水更近何於此等情形並未詳晰
陳奏著李侍堯藍元枚將曾否續得徐鼎士稟報何
以未經具奏及此後南北各路有無續行投順民人
一併據實覆奏至徐鼎士帶兵駐大甲溪搜勦彰化
賊匪前已諭令李侍堯撥兵一千名接濟徐鼎士所
撥兵丁於何日配渡前往及近日鹿仔港大甲溪等

處勦捕殺賊情形並著迅速馳奏

臣等謹按賊首林爽文到處脅迫附賊之衆出於
勉強者居多我

皇上洞燭民隱節次

諭令將軍等廣為招徠無論從賊與否一經棄械投誠
即可赦罪安業並恐僻地未及周知又令出示愷
切曉諭

睿慮寔無微不至茲撫臣徐嗣曾奏副將徐鼎士於白

石湖山招撫三千餘人鹿藿金包裹等處又招出
難民千餘人可見設法招徠賊黨自易解散而海
外剿匪機要早不出

聖明指示中矣

同日姜晟奏言詳查江西之五福地方與福建光
澤縣接壤入閩境後由邵武延平等府取道福州
省城仍由海運始達漳泉似不若長江順流由江
南出口海運便可徑至泉厦因即與藩司陳淮熟

商查得湖北米石用大船裝載至鎮江換船到上海再換海船起運如該處海船不敷則浙有乍浦商船聚集亦由此出口並查得米船運抵鎮江并或不入內河竟由外洋而行另換崇明船及江南薛子沙船駛至上海乍浦二處換船竟出大洋前赴泉厦更為簡便隨於十六日飛咨李世傑閱鶚元琅玕詳悉熟商如何方為妥善之處迅速移覆以便照辦一面飭藩司催據各屬將所碾米石

陸續碾就在省城上游者運至漢口彙齊其在省城下游者如黃州所屬各縣則撥船前往即委運員先收起運並調集各委員一俟江西江浙各省撫臣咨會到楚核明江西一路寔在有無碍難辦理及江浙出口海運究由何路迅妥之處詳細酌定即分起運行奏入

上命軍機大臣傳諭李侍堯李世傑保寧舒常閔鶚元琅玕何裕城姜晟浦霖徐嗣曾曰昨據徐嗣曾奏浙省

米石運到泉廈者已七萬有餘是閩省此時已有米石接濟其江南江西續運之米亦當接踵而至可以無虞缺乏若因各省米石皆須由江南浙江出口船隻不能應手一時紛紛封僱擾累商民轉多未便著李世傑閩鶚元琅玕務須量其緩急酌籌妥辦次第起運所有江南本省及湖北四川運閩之米止須隨到隨辦使之源源不絕俾船隻流通足敷裝載不必一時齊運將船隻全行截留封僱致商販守候稽時

吏胥從中滋弊方為妥善其湖南應運米石並著舒常浦霖亦由該處徑運江南海口交李世傑等接續配運毋庸咨商江西省轉致耽擱至川省續運之米該督務須妥協辦理陸續接運竟由川江順流而下亦由江浙海運抵閩可也

同日阿桂奏言臺灣地方西臨大海東凭大山大山之東係生番居住為民人所不到大山迤西之麓則現為賊匪佔據官兵進剿勢須仰攻無由察

其虛寔而賊衆居高臨下且其中如水沙連虎仔坑六斗門等處南北又在在可通足以伺官兵之隙前邇後截四出滋擾若徒撥兵堵禦則山徑叢祿不但現有之兵不敷分派即再添一倍仍恐不能一一盡堵現在惟有將緊要地方如郡城諸羅鹿仔港等處先為駐兵防守而防守之兵必察其力能保固寔可無虞再選擇可戰之兵二三萬進逼賊人巢穴搗其要害或兩路夾攻或全力專注

但得官兵連勝一兩次賊人胆落其黨夥附從當
不攻而自潰惟臺灣現有兵丁除分守府城等處
外似尚不敷剿捕且其中亦少可用之兵在初辦
時若深悉賊匪情形就本省兵畧為多調起賊情
惶惑之際未嘗不可即就撲滅今則賊人已漸知
戰守臺灣復被佔據過半從賊者為數已多寔又
有不得不增添兵力之勢此事現今福康安前往
督辦福康安經歷軍務聲威已著各省兵丁情形

均所深悉似應令福康安先行通盤籌畫臺灣現有兵丁若干尚需添兵若干及何省兵丁於山路崎嶇之地用之方可得力雖隔遠一兩省者亦准其檄調備用或竟調慣于跋涉山路之黔楚兵各一萬合之粵兵萬餘兵力充裕賊必指日授首雖目下似稍遲一兩月而功成反速

同日保寧奏言川省辦米二十萬石運交江南轉運閩省業經臣飭委川東道黃軒總理督率重慶

府縣等會同總運叙州府知府施光輅雅州府知府葉書紳安速辦理現據該道等稟各處已買米三萬石連各州縣碾運先到之米湊足頭運五萬石之數允交運負定于七月十九日開行等語又據各屬具稟碾出起運之米俱可陸續到渝其二三四運亦可銜尾前進約計八月初即可全數開行查川江秋水方盛順流東下雖風水靡常舟行總屬迅速其自漢口而下川船素未經行必須換

船前進臣已飛咨湖廣督撫飭備船隻過載運赴江南並咨江南安徽撫臣轉飭經過地方官一體催趲並脩船酌撥配運不致遲悞再查運送米糧等項定例順水每百里每石應給水腳銀七厘自重慶至漢口計程二千九百七十里每石應給水腳銀二錢七厘九毫乾隆十八年辦運江南米石其時船戶水手食物人工器用等項皆屬平賤節省辦理每石止給銀一錢六分至四十三年協濟

江南米石辦理已甚竭蹶今又閱十年一切加貴
是以五十一年浙江辦運川米經前督臣李世傑
奏明浙省委負在川借領銀兩僱用船隻該委負
自行支發自重慶至漢口每石給水腳銀二錢二
分方能承運查今昔情形不同船戶等勢難賠累
業經飭照定例每石以二錢七厘九毫發給再臣
欽奉

諭旨再行採買米三十萬石即與司道悉心籌酌各州

縣倉儲俱屬充寔尚敷撥用至採買市米雖似便
易但川省民間素鮮蓋藏目下早稻甫經收割未
能集轅一時採買多米市價或致騰踴若倉穀則
取之于官亦可不動聲色而立辦即將來買補辦理
甚屬從容且新米往帶潮濕不若倉穀乾潔可無
霉變之虞臣現已飭司道查明各屬倉穀額數將
水次所貯接續動碾趕辦惟上游水次之米必用
小船運至重慶換裝大船由川江東下前辦運米

二十萬石各處小船俱已載米運赴重慶恐却載
後四散他往臣已分委大小文武負弁四路查催
押令速赴原處受載仍運重慶並飭川東道黃軒
督率重慶府縣等多催安諳大船預脩承運計碾
米三十萬石分為五運每運米六萬石一面飛調
現任知縣五負佐雜十負分起領運並派雅州府
知府葉書紳為總運直送江南兌交計前運米二
十萬石掃幫開行後此次續辦米石亦可接續起

運不致遲悞至漢口應換船隻仍咨明湖廣督撫
飭屬催備其自漢口至江南水脚亦即由楚省照
例給發均奏入報

聞

八月初一日

丙申

藍元枚奏言自到鹿仔港諸羅縣

屬之鐵線橋等庄俱已被賊燒燬彰化縣之東螺
西螺亦被賊佔踞臣屢經札商崇大紀相機夾攻
緣道途梗塞由海道遞至鹽水港轉遞諸羅至今

尚未接准柴大紀覆札鹿仔港係四面受敵自五月至今賊雖不敢直擾鹿仔港屢就各處小庄滋擾焚燒意在斷鹿仔港應援之路臣細查各賊巢內約有一二十萬人多係漳州及同安之人內中情愿作賊者不及十分之一其餘或被脅相從或貪圖跟隨賊夥焚燒村庄搶掠財物是以每處蟻聚至一二萬人臣于六月二十六日奉到

上諭敬謹錄出遍行張掛曉諭數日之後有耆老人等

陸續從各賊巢出來求見哭訴並無從賊止因家
屬被賊拘留未能遽出臣皆逐細開導令其遍諭
衆人俟官兵一到大里杙各賊巢務須協同擒殺
賊匪立功自効各人無不歡欣搔頭知有再生之
路但鹿仔港附近賊巢若大兵徑赴斗六門恐道
路阻塞一時難與柴大紀會合并慮賊匪乘虛滋
擾臣是以奏懇添兵五千名計七月半後官兵自
可陸續到鹿仔港兵力既厚便可分作二路一由

埤頭攻殺東螺賊匪劄營二八水一由二林攻殺
西螺賊匪就該處劄營自西螺至斗六門僅十餘
里即可乘勢攻擊斗六門似于事機有濟再七月初
二日聞賊目林領從諸羅來糾王田犁頭店等庄
賊夥初三日要來焚燒阿棟等社隨知會總兵曹吉
保帶遊擊裴起鰲兵八百名在阿夷庄遙為聲援
堵禦以防快官庄賊匪出來攔截臣親帶遊擊琢
靈阿穆騰額兵八百名由阿棟社前去堵殺行至

中蔡溪見賊匪千餘人攔途抗拒續有王田庄賊
匪千餘人亦來一處抵敵臣親率官兵奮勇向前
施放鎗砲自辰至未賊匪始從犁頭店逃散因犁
頭店一帶俱是賊巢未便遠追計鎗砲打斃賊匪
約百餘人官兵俱無傷損又埤頭庄臣派撥官
兵設卡帶同鄉勇一千名防守亦于初三日有賊
目莊好糾束螺賊一千餘人到埤頭焚搶村庄兵
民用鎗砲打斃十餘人殺死七人似此賊匪雖蔓

延肆擾但鹿仔港週圍村庄均已聯絡設卡官兵
義民亦皆奮勇向前每逢攻殺俱得勝仗臣惟隨
時相度機宜務期迅滅賊匪再臣于六月二十一
日親帶官兵鄉勇由番仔溝鹿仔厝一帶巡查捕
捉賊匪行至大肚溪遇賊數百人隨令官兵鄉勇
施放鎗砲賊即退走打斃賊匪十餘人生擒鄭球姚
蹇二名訊非賊目即行正法示衆

同日李侍堯奏言柴大紀在諸羅自六月中旬被

賊攻圍日夜拒守以少擊衆節經常青遣魏大斌
田藍王張萬魁等帶兵往援而藍元枚杪
錄摺稿稱官兵未能直達諸羅是以先攻大肚溪
以分賊勢是藍元枚亦尚未將諸彰道路疏通近
日臺灣各官稟報甚少惟同知楊廷理稟稱郡城
北路運道稍通薯稔大麥間有數船俱自北淡水
載來是以糧價稍減探得賊攻諸羅有頭目蔡福
被砲擊死又賊用枋車來攻蒙以濕被亦被砲擊

破數輛等語查蔡福混號遼東仔最為兇悍前據胡番供稱林爽文曾封為提督軍門是該匪係逆首得力之人今既中砲身死而所用枋車又被擊破是賊衆雖屢次急攻實俱遭殺敗恃其烏合之多尚未退散魏大斌等併力前進日內想已打通道路又據北淡水同知徐夢麟稟稱彰邑附近賊巢各庄均有良民被賊箝制不得已許以所收田稻加二抽分始免殺戮今聞官兵義民齊集大甲

多有私自奔來請求等語是各庄良民甚多即伊等已被脅從預恐官兵破賊巢後難以分割先來請援以見其並非從賊亦可見民情皆知賊終必破是以早自投明又據稟稱拏獲陳賀一名係被賊逼脅入夥在大里棧代春城牆求林與文之父來至軍工寮討欠臨出時有林旺托伊代接家眷進大里棧居住等語是從賊之人亦惟恃大里棧巢穴為苟延旦夕之計此皆極好消息今續調之

粵兵四千已先到一千于本日放洋前往臺郡漳
兵二千亦已登舟不日可到鹿仔港其餘浙粵之
駐防滿兵三千及粵省綠營兵三千計月內總可
到齊配渡前往均奏入

上命軍機大臣傳諭常青李侍堯藍元枚柴大紀曰彰
化等處賊匪屯聚雖據稱有一二十萬人但係被賊
用威迫脅勉強聽從不過烏合之衆今經藍元枚傳
旨曉諭即有民人從賊巢投出自訴並非賊黨該叅

贊詳加開導諭以擒殺賊匪立功自効皆知歡欣鼓舞共慶更生是賊匪雖衆易聚亦易散若能設法招徠自當紛紛交出賊黨日就解散至藍元枚與柴大紀札商會攻因道路阻隔尚未得有覆信鹿仔港兵力稍單未能前進但藍元枚所請添調五千名早經如數撥往前據李侍堯奏漳州有眷屬兵二千已經配渡其餘兵三千此日自己陸續全抵該處藍元枚當乘此兵力厚集速行進剿以此時情形而論當以

打通諸羅接應柴大紀為急務至常青處已節次降
旨令一人速統大兵直趨北路會合進剿今南北兩
路添調官兵自己陸續到齊正應乘其銳氣及鋒而
用常青竟當令恒瑞督率兵民駐守營壘悉力捍衛
府城牽綴賊勢該將軍親自統領大兵自南而北徑
趨諸羅藍元枚亦應令普吉保固守鹿仔港親統大
兵自北而南則東螺西螺斗六門之賊皆可順便剿
滅接應柴大紀與常青會合一處使聲勢聯絡以大

兵全力奮勇夾攻若渠魁就獲則其餘賊匪自可紛
紛解散而被脅從賊民人更當相率投誠不呼而集
常青藍元枚此時固當持重但於進剿機宜不可坐
失又柴大紀駐劄諸羅督率官兵義民竭力堵禦賊
匪屢次攻擾縣城俱被官兵殺退擊破枋車殲賊甚
多並將賊首林爽文用事頭目蔡福等用砲擊斃賊
首為之奪氣此事前據常青等業經奏到但常青等
所派魏大斌田藍玉接應之兵此時自己打通道路

併力前進柴大紀得此兵力援應自更為得力近日
如何殺賊攻剿情形著柴大紀迅速馳奏至漳州府
近賊巢庄民一聞官兵到彼即自行投出奔請救援
可見民情皆知賊匪雖衆終歸撲滅自為極好機會
該將軍叅贊急當妥為撫馭廣行招集並開誠曉諭
令其殺賊立功

同日李世傑奏言接湖北咨會擬將楚省所辦運
閩米十萬石亦由長江運至江南海口轉運等因

查現在江南尚須預催川省米船七百隻若再添
催楚省米船未免竭蹶若由江西新城五福陸路
運至閩省水口止八十里旱路即山徑崎嶇亦計
日可到若照來咨即令楚米亦由海運不特船隻
一時莫辦且恐欲速反遲奏入

上命軍機大臣傳諭李世傑舒常閔鶚元姜晟何裕城
曰李世傑係指川楚兩省應運米六十萬石同時並
運而言殊不知川楚之米亦不能同時運到川楚米

共六十萬石若分作三起撥運則每起不過二十萬石所需船隻較少即易于僱用不特商船可得往返流通輓轡運載而米石亦可接踵而往足敷接濟李世傑請將楚米仍歸江西陸道豈非存諉却之見向來總督兼轄兩省者雖同係所屬地方往往就駐劄省分意存偏袒此係外省習氣使然今該督現駐江南未免意存袒護豈能逃朕洞鑒耶所有現在湖北及將來湖南運閩米石均著由長江順流歸入江南及

浙江等海口陸續轉運

欽定平定臺灣紀畧卷二十八

欽定四庫全書

欽定平定臺灣紀畧卷二十九

八月初二日

丁酉

柴大紀奏言二月二十五二十六

日北路賊目蔡福勾連南路賊目陳靈光等約有

萬餘夾攻諸羅經督率官兵義民奮勇力戰賊匪

被鎗打死者數百殺死者亦多生獲張淡等二十

五犯迨三月初八日鳳山再失賊復鳴張自二十

九至四月內賊衆疊來侵犯各營盤俱經臣督率

官兵義民奮力剿殺先後共砲斃賊匪不下數千
殺獲亦有千餘但賊匪雖被我兵連日殺退而首
惡尚未就擒經移令總兵普吉保各帶兵一千會
合協拏于五月初三日齊到大埔林四面搜捕查
稱賊首林爽文早已潛逃大里杙匪黨俱竄入斗
六沙連等處臣與普吉保是晚同駐土庫正在會
商機宜適接據署北路副將林天洛等先後稟稱
賊匪萬餘來攻鹿仔港埔心二處雖經官兵二次

殺退但兵力單薄懇請回軍初四日又據署諸羅縣陳良翼併遊擊楊起麟各稟南路賊匪數千聚集赤山一帶欲乘虛攻城民心惶惑等情臣與總兵普吉保各帶兵馳回各保地方迨回營盤探知諸羅賊匪南北交通隨處誘脅滋擾四月二十一日將軍臣常青派撥叅將潘韜等帶兵一千名前往諸羅接濟復于五月初十日飛檄酌撥官兵千名星赴蔴荳莊協剿遵即派遊擊楊起麟李隆守

備黃象新等共帶兵一千五十名馳抵該處殺退賊匪回至鹽水港又聞哆囉嘓一帶賊匪勾連賊目李七蔡福等逆黨欲佔踞鹽水港等處希圖斷絕通府道路使糧餉莫運以困縣城即飭遊擊楊起麟等將所帶之兵留駐該處防禦又鹿仔草地方亦係通府要路撥千總陳邦材把總施必得等帶兵二百名駐守派遊擊邱能成帶兵二百五十名一路哨巡接應諸羅城外各營盤共兵一千四百

餘名賊多兵少所以尚未殲除淨盡又據遊擊李
隆楊起麟守備黃象新等報稱本月十七日聞賊
匪二千餘人離鹽水港七里之查畝營八老爺莊
等處焚燒莊社隨帶隊伍前往該處剿捕鎗砲打
死賊匪甚多追至下窩莊生擒賊匪白潤林得二
名賊衆由山徑四散逃走隨收兵回劄鹽水港奪
獲旗鼓短銃等項二十八日辰刻有賊匪千餘名
分路來攻鹽水港分頭迎敵鎗砲打死賊匪數十

名追殺至茄苳脚生擒賊匪李猶林苞二名獲大旗一桿有南路偽先鋒字樣又烏鎗弓箭等項餘匪逃竄查遊擊楊起麟屢次打仗均屬奮往可當一面隨撥把總陳國忠帶兵二百名赴鹽水港換回遊擊李隆仍駐劄諸羅南門外營盤茲六月初五日探得賊匪數千聚集離諸羅城十餘里之中莊山仔門等處誘脅莊民復圖肆擾隨即親率遊擊邱能成等同署諸羅縣陳良翼武舉黃奠邦及

各義民飛往至近中莊之三界埔遇賊千餘飭令
齊放鎗砲打死賊匪數十人賊勢披靡官兵義民
奮勇追趕至水尾仔殺死賊匪數十人生擒賊匪
蔡文蕭却林顏等三名奪獲竹牌器械等項餘賊
奔竄山後緣山徑崎嶇溪坑錯雜恐有埋伏收軍
所有節次拏獲賊匪白潤林得等犯審明從賊打
仗並未受有偽職俱就地正法奏入

上命軍機大臣傳諭常青李侍堯藍元枚柴大紀曰柴

大紀奏到情形皆係五月內及六月初四五日之事
其賊目蔡福攻犯諸羅被官兵用砲擊斃並擊碎枋
車殺死騎馬賊目等事前據常青李侍堯先後具奏
而柴大紀摺內俱尚未經奏及至此次柴大紀奏到
之摺係六月初八日拜發距今五十餘日查閱沿途
驛遞牌單係于七月十九日遞至廈門是內地接遞
尚無遲誤竟係由諸羅渡海阻隔四十餘日海洋風
信雖屬靡常但常青藍元枚兩處馳遞之摺俱由海

配渡即遇風不順偶有阻滯多者亦不過十餘日何以柴大紀此次奏摺竟在洋面耽延至四十餘日之久豈海洋獨非閩省所轄不可按日而稽耶著李侍堯即將柴大紀所發之摺渡海何以如此遲延多日嚴行查察申飭以儆將來

上又命軍機大臣傳諭舒常富綱浦霖李世傑曰現在諭令福康安前來行在面授機宜令其前赴臺灣更換常青督辦軍務至臺灣前後所調兵丁自己足數

攻剿但該處山深箐密路徑崎嶇因思湖廣貴州兵
丁前經調赴金川軍營于馳陟山險較為便捷若調
往臺灣助剿自更得力著傳諭舒常等于湖北湖南
各挑備兵二千富綱李慶棻于貴州挑備兵二千揀
選曾經行陣奮勇幹練之將備帶領一切軍裝火藥
妥為密行預備聽候調發如必須調遣或俟諭旨到
日或接到福康安檄調文書即行分起迅速前進其
湖廣官兵即從本省由江西一路行走貴州兵丁從

廣西廣東一帶行走所有沿途經過地方並著該督撫等一體預為籌備俟兵丁到境即刻迅速進行仍須妥協經理毋致張皇擾累

上又命軍機大臣傳諭保寧舒常李世傑琅玕李侍堯曰川省屯練降番素稱趨捷前經調往甘省剿捕逆回甚為得力著保寧即于屯練降番內挑選二千名並揀派曾經行陣奮勇出力之將領張芝元等分起帶領從川江順流而下由湖北江南浙江一路前赴

閩省所有沿途應用船隻及一切應付事宜並著舒常李世傑琅玕等預為籌備免致臨時遲悞

上又諭內閣曰數月以來常青督率調度尚無過失但統領多兵駐守府城營盤雖屢有斬獲並未能痛加殲戮挪移尺寸之地相機進剿是常青雖屬無過亦不得為有功且該將軍年逾七旬究恐精神不能周到茲特命福康安前來行在面受機宜令其攜帶欽差關防馳赴臺灣更換常青督辦軍務即授福康安

為將軍並授海蘭察為叅贊大臣普爾普舒亮為領
隊大臣其恒瑞藍元枚柴大紀仍著照前叅贊軍務
並揀派曾經戰陣之巴圖魯侍衛章京一百餘人分
起前往領兵征剿至臺灣初次調撥及續調官兵已
有數萬嗣又于廣東浙江添調綠營及駐防兵萬餘
名並於福建本省派撥兵六千現又添派四川屯練
降番并于湖北湖南貴州等省挑備兵數萬陸續遣
程前往合計徵調各兵不下十餘萬福康安到臺灣

後察看情形如以兵力多多益善再行添兵若干即一面檄調一面奏聞所有應用軍糈已于浙江江南江西湖廣四川等省撥運米百餘萬石軍餉火藥等項亦已廣為儲備著李侍堯通盤核算妥為經理俾足數十餘萬官兵之用毋致稍有短缺至常青剿捕賊匪雖未能藏功奏績念伊究係年老尚無貽誤著于福康安到臺灣後即行來京陛見再赴湖廣總督之任

臣等謹按常青等劄營城外屢有斬獲一切調度尚無貽悞我

皇上早慮及其精神不能周到特

命福康安前來

行在以備差遣茲復授為將軍赴臺督辦厥後長驅深入一鼓蕨功良由勝算早斷自

宸衷故機宜悉協迅掃賊氛如摧枯朽也

初三日

戊戌

上命軍機大臣傳諭常青曰朕特命福康安前往更換
常青之意並非因常青辦理軍務大有貽誤寔因常
青年逾七旬軍旅之事本非素練恐日久因循不能
辦理完結是以特命福康安前往接辦以期迅速歲
功福康安未到之前常青接奉前旨不必心懷疑懼
轉致遇事茫無主見遇有可進之機仍當督率將弁
相機進剿若因有福康安前往接辦之旨心存觀望
稍有懈怠不復努力前進則常青不但無功而且有

過即大負朕委任之意該將軍當明喻朕意倘此時
能將逆首林爽文擒獲固屬甚善即首逆尚在稽誅
而賊目莊大田若能擒獲官兵已操勝勢即著該將
軍用六百里加緊馳奏已諭福康安于途中得有捷
報即先行拆看若見常青於剿捕事宜業已得力並
可無須前往即由途次仍回甘肅本任將來辦理善
後一切原屬常青所優為更無須福康安前往幫助
也

初四日

巳亥

李侍堯奏言漳州一帶竟有私販硫磺

之人並有出產之處兩月以來節據漳州鎮遊擊
馬應璧于郡城外拏獲挑磺之何四何十二名磺
八十斤南靖縣知縣長瞻于峯蒼嶺地方盤獲販
磺之杜强吳若林二名磺四百餘斤龍岩州知州
包承祚于合溪地方盤獲挑磺人巫彩鳴等八名
磺四百四十斤又據烽火門叅將李威光于牛鼻
嶼洋面追獲匪船一隻內搜出私磺一百七十餘

斤等情經臣歷次飭府嚴訊該犯等多係寧化縣人內間有江西人一二名或稱係他人僱挑或稱係買自上杭縣郭車地方挑往漳州府城賣與劉姓江姓吳姓銀硃店內旋據飭拏鋪戶劉長等到案據供每年製造銀硃官礮偶不敷用或向不識姓名挑夫零買湊用等情均未訊有確供而上杭縣知縣恩古達稟稱該縣郭車鄉大岩背山內有土礮該地居民王世良等私挖煎賣當即拏獲該

犯等三名並搜出煎就硫磺及鉄鑿鉄槌等物是
閩省匪徒私販硫磺處處俱有或海洋盜賊買製
火藥以供劫掠或奸民輾轉販賣透入賊中俱須
嚴加跟究現將各起人犯親提來厦嚴訊務期水
落石出查閩省向來並未查出使營中額用者反
向遠省採買而本省向來之磺轉為賊人私挖煎
販臣現在一面提訊並飭拏在逃各犯務獲解究
并飭勘明該山繪圖詳報又本月十九日有外委

陳廷標賁柴大紀奏摺送到廈門發遞查該提臣
傳單係六月初八日所發而七月十九日始至廈
門益覺遲擱隨傳該外委面訊據稱提督摺子因
諸羅城外道路梗塞雇熟番覓小路送出于本月
初一日始到鹿仔草該外委係在鹿仔草接到又
由小路行至鹽水港雇小船于初三日到臺灣府
城出鹿耳門初九日因風收泊澎湖十五日由澎
湖放洋是以於十九日到廈等語合并陳明奏入

上命軍機大臣傳諭留京辦事王大臣李侍堯雅德富
綱曰硫磺一項為軍火要需該犯等膽敢私行煎挖
販賣或被海洋盜賊買製火藥以供劫掠或奸民輾
轉販售透入賊中皆所必有不可不從重治罪所有
拏獲之地方官亦當記功陞用至該省既有產磺地
方自應開採煎用乃歷任督撫並未查辦而營中額
用硝磺轉向湖南遠省採買其本地土磺一任奸民
私行煎挖輾轉售賣以供盜賊劫掠之用雅德富綱

富勒渾俱任浙閩督撫于此等地方事務關係軍營
火藥者既未能查出就近採辦而于奸民挖煎售賣
又漫無覺察以致私販紛紛所司何事除富勒渾業
經革職治罪令留京辦事王大臣就近傳諭詢問令
其自行登答至雅德富綱前在閩省時地方事務廢
弛若此均令其自行議罪並即據實明白回奏

初五日

庚子

李侍堯奏言前接將軍常青摺稿知柴

大紀在諸羅被賊攻圍本月十九日又接柴大紀

咨會係本月初一日所發其述被圍情形較之常
青所奏更覺危急倘一有失事則不惟賊勢益張
而全臺人心俱為搖動是以屢次札商常青務須
增兵設法掘溝放水以通道路速解重圍茲于二
十二日辰刻接臺灣道永福稟稱據佳興里巡檢
邵宗堯稟稱赴援之兵以及糧餉軍需俱于十三
日卯時由鹿仔草三路進發即于午刻直抵諸羅
等語永福稟內又稱探得賊首莊大田已回南

路本月十四日常青遣兵巡哨南潭有賊匪數千
聚集該處經官兵義民奮勇剿殺賊匪大潰聞莊
大田有潛逃之信現在設法截拏南路賊勢日漸
退散再得續請之兵三四千到郡即可長驅北路等語
查續調之粵兵四千現有一千到厦已經放洋日
內又有續到者臣現在厦門督催務令隨到隨即
登舟其浙粵駐防兵總于本月內俱可抵厦迅速
配渡前往看來賊勢已衰而官兵之力益振滅賊

不難奏入

上命軍機大臣傳諭福康安常青藍元枚柴大紀李侍堯曰賊目莊大田糾合夥匪屯佔南路四出滋擾數月以來因常青等未能進剿曾經降旨飭諭今南潭賊匪已經官兵義民奮勇剿殺莊大田已有潛逃之信是賊勢業經潰散剿捕事務大有轉機想常青之摺不日即行奏到該將軍等乘此賊人潰散兵威振作之時急應親統大兵奮力追殺若于福康安未到

以前將林爽文莊大田等即時擒獲則克復全臺俱
係常青之功受朕恩眷豈復可量至莊大田潰敗潛
逃其勢自己窮蹙現在北路一帶鹿仔港有藍元枚
在彼領兵堵截而諸羅接應之兵已經三路會合莊
大田逃往北路自無他處可以竊踞必逃至大里杙
以為負嵎苟延之計若賊首賊目同聚一處正可聚
而殲戮即使負嵎死守以大兵全力四面合圍賊人
資糧有盡無所得食自當束手就斃又何能久延殘

喘耶現在添調粵兵先到厦門者已據李侍堯配渡放洋其餘浙粵官兵陸續登舟前發此時自己全抵臺灣常青處兵力日盛而諸羅鹿仔港聲勢亦漸聯絡該將軍不可不益加勉力深入長驅速行奏績但仍當酌派弁兵嚴防後路勿使餘匪得以乘隙潛出此為最要至魏大斌前經常青派令帶兵接應諸羅在鹿仔草被賊攔截小有阻滯該鎮能督率官兵透出重圍前抵諸羅與柴大紀會合亦奮勉出力着賞

戴花翎其田藍玉特克什布張萬魁同往接應能與
魏大斌奮力剿殺直抵諸羅亦尚奮勇著常青查明
何人最為出力即于前次發去花翎酌量賞給戴用
以示鼓勵至李侍堯辦理軍務調度接應俱為妥協
周到此次一得常青處殺散南路賊匪及柴大紀處
援兵會合信息即行馳奏以慰朕懷亦著賞蟒袍一
件大小荷包以示獎勵其常青俟奏報到日再行賞
給

初六日丑年何裕城奏言江蘇海運米十萬石之後
又有川米五十萬石為數已多深恐船不敷載若
湖南之米又由海道轉連勢必壅積不前殊於軍
需無益而五福自濬派修路以來蹊徑漸熟夫役
漸衆竹筏小舟亦日辨日多即使交冬水落尚可
隨宜設法多行旱路數十里前抵五福不致束手
所有湖南省運米十萬石自應照湖北之式亦由
長江前來行抵五福水次於江西湖北米石運竣

之後接續轉運已咨覆浦霖并飭司預備屆期協力辦理臣仍隨時督率催儻不敢稍有岐視貽悞至江西之米現已運過七萬六千餘石准於九月初旬運竣可以接運湖北米石奏入

上命軍機大臣傳諭舒常李侍堯閔鶚元何裕城姜晟浦霖曰此事前據舒常等奏江西省五福一路實有難辦情形是以降旨令將湖北湖南之米俱歸江南海運今據何裕城所奏是江西陸運既屬可行則運

閩米石原止須陸續源源接濟即在九月後接運亦無不可況現在江南封僱海船辦理亦覺踴躍正需水陸分運庶可不致壅滯周章著舒常等即將湖北湖南之米一併運赴江西交何裕城竟由五福一路接運赴閩毋庸再由江南海運何裕城惟當益加勉力妥速辦理陸續轉運俾閩省足資接濟至江南海口既無需再運楚米所用船隻較少俟川省兩次撥運米石到時正可隨到隨運陸續載往海船無虞缺

乏更不必將商船全行封僱致滋擾累也

上又命軍機大臣傳諭福康安常青李侍堯藍元枚柴大紀曰本日常青賫摺差弁前來令軍機大臣詢問據稱前此瑚圖里帶領廣東莊義民到營止有一二千人其廣東莊所住民人甚多約有數萬人儘可防守等語前因瑚圖里在山猪毛帶領廣東莊義民前到大營常青等留於大營助剿恐其本莊祇係老弱或被賊人懷恨肆意摧戕曾經降旨飭諭今據該弁

所稱廣東莊所住民人有數萬餘其本庄足資捍衛
此即常青時運好處現在南路賊匪已經官兵剿殺
賊目莊大田思欲潛逃剿捕事務大有轉機該將軍
亟當乘此賊人潰散軍威振作之時親統官兵長驅
北路至大里杙係賊首巢穴四面皆山將來官兵圍
攻恐路徑險峻艱於馳陟倘圍攻之後賊人尚在負
隅固守則前此派出之海蘭察普爾普舒亮所帶巴
圖魯侍衛章京六十人令其分三起行走伊等俱經

歷行陣勇健趨捷一以當千是數十人已足當萬餘人之敵現已有旨令其兼程過往到彼後即令帶兵攻撲更當得力至福康安於途次如見有常青等陸續奏報捷音竟當遵照前旨先行啟看或因所帶侍衛章京等人數較多一同行走不能迅速不妨令伊等在後僭程福康安竟先行輕騎減從早抵臺灣贊成大功多一人即添一人之益於剿捕機宜豈不更為妥速耶再川省屯練降番遠隔數省調撥需時若

常青等續有捷報即當降旨停止進發以省煩擾並著李侍堯續得臺灣官兵打仗得勝信息即隨時星速知會福康安及海蘭察等如官兵益操勝勢可以剋期集事海蘭察等當加倍儻行早抵該處即助拏逸匪亦屬甚好倘常青等統兵會剿未能長驅深入設有意外之虞則當仍令海蘭察等在廈門等候俟福康安到彼會齊全力一同配渡放洋方為妥善此則朕不自滿假居安思危之慮該將軍等不可不仰

體朕意也

初七日

壬寅

圖薩布奏言粵省駐防第二起兵船於

七月初七日行至博羅縣缺岡地方陡遇狂風兵
丁急欲僦程不肯停留有正紅旗兵船猝被覆溺
甲兵八名內七名及軍械俱已撈獲唯馬甲舒通
阿一名被淹身死請將奉委護送之德爾炳阿夏
永淳鍾光哲交部議處圖薩布交部察議奏入

上命軍機大臣傳諭圖薩布曰駐防兵奉調出征爭先

恐後不避風險適因陡遇風暴急欲僱程以致船覆溺斃足見急公奮勇殊堪嘉憫所有淹斃之舒通阿一名著照陣亡例給與賞卹其被溺撈獲兵丁七名俱著賞給一月錢糧以示鼓勵至兵船遭風覆溺究係猝不及防人力難施其護送兵丁之德爾炳阿等尚無大過著免其交部圖薩布所請察議之處亦著寬免至該駐防兵此時自己抵閩其應賞一月錢糧即著閩省照例賞給

初八日

癸卯

李侍堯奏言松山汛千總鄭魁報稱有

浙江石門縣運閩官米船戶劉新春到汛報稱本月初八日該船駛至兩山相對不知是何洋面遇賊船劫去米數十石并押運兵役所帶烏鎗一桿腰刀一口又據崇武汛把總趙珠成報稱有浙江新城縣運閩官米船戶林長茂本月十六日駛至莆田惠安交界之洋面被盜奪去押運兵役所帶烏鎗二桿腰刀二口其米石並未報被搶又據船戶

甘發興到廈門報稱裝運興化府米三百五十袋
本月十七夜在崇武灣十里外被盜船二隻劫去
該船戶自帶番錢香茹等項并押運兵丁之烏鎗
二桿腰刀二口其米石並未被搶等因查洋盜見
官運米石膽敢搶奪已屬目無法紀而林長茂甘
發興船所遇之盜則不搶米石專搶鎗刀尤覺可
疑地方文武屢接臣護送交替之檄何以此三船
並無巡船防護即米船在外洋乘風迅駛本地兵

役或有不及趕接護送之處然果平時巡緝嚴密何至盜賊充斥如此臣惟有遵照海澄縣兵役被劫一案所奉

諭旨將該地方文武嚴叅革去頂帶留於本任緝拏勒限半年如或不獲即請從重治罪庶於巡哨不視為具文而緝拏可得寔效再據臺灣道永福稟稱近日郡城糧食因北淡水一路漸覺寧貼時有米船到來糧價稍覺平減是臺郡民食亦當不至拮

据現在內地將各省運到之米陸續運往源源接濟自不致缺乏其漳泉二府應徵錢糧臣面詢藩司覺羅伍拉納本年已未徵收各數據稱該二府錢糧雖據各屬於二八月間具報開徵緣各花戶因上年舊糧尚未完清先行趕納其本年新糧各該縣又多承辦兵差不及催徵現在並無報司完解各數等語今奉

恩旨緩徵若俟查明已未徵各數始行出示轉恐官吏

開報不寔或有挪前移後之弊臣即一面出示除
已徵者即提解司庫其未完之錢糧及屯米概行
緩徵再漳兵已於本月二十日開洋前往鹿仔港
而常青處九千兵內先派往閩粵兵四千已久到
臺郡本月十八日續到之粵兵一千亦已開洋本
日又有粵兵一千到廈臣亦即令配渡其浙粵二
省駐防滿兵月內俱可到廈臣令隨到隨即登舟
務當迅速飛渡至閩省水陸兩提督俱係漳州鎮

總兵常泰暫行署理漳州地方緊要常泰必須駐
劄該處以資彈壓而各處營務殷繁兼以海洋盜
劫頻聞尤須專心料理方為有益臣雖督飭上緊
巡拏而照料過兵接應軍需等事頭緒繁多臣自
知精神漸不如前寔有不能兼顧周到之處常泰
為人謹飭有餘而心思亦不能各處貫注且以一
人辦一總兵兩提督之事一切整頓營伍稽查奸
匪恐不免顧此失彼查浙閩二省總兵臣俱未識

面惟聞有福寧鎮何俊輿論俱稱其人明白且前
曾代辦水師提督事務熟悉海疆情形請將該鎮
暫署水師提督移駐廈門兼往來沿海一帶專心
料理巡緝之事庶洋面搶劫等案有所責成如

聖心另有可信之員派來署理更為妥善又據駐劄
尾之守備羅禮璋稟稱七月初六日外委陳臬望見大
屯山頂有數人挑擔不由正路形跡可疑隨率
官兵前往盤問該匪見官兵上山即棄擔而逃

不知去向遺下麻袋竹筐俱是硫磺共十五塊重
四百斤等因是北淡水水果係出產硫磺若不嚴禁
剗挖使賊得以私買應用所關非細查徐鼎士現
已移駐大甲距硫磺山較遠羅禮璋在扈尾可以
就近防範一面檄令該備速撥兵丁晝夜巡查看
守毋致稍有透漏仍移咨藍元枚隨時遣人訪察
以杜私挖俟軍務告竣之後將該山作何封禁著
落地方文武稽查不致透漏之處統歸入善後事

宜案內妥辦奏入

上命軍機大臣傳諭福康安常青李侍堯藍元枚柴大紀曰此等盜犯膽敢在洋面行劫官運米船寔屬目無法紀而該船戶所遇之盜又有不搶米石止搶鳥鎗腰刀者或竟係賊黨潛出滋擾亦未可定該地方文武向視巡緝為具文並不寔力查拏以致盜賊毫無忌憚肆行劫掠自應從重查辦著李侍堯督飭所屬員弁務須上緊設法勒限查拏務獲並於拏獲逃

犯時親行提訊是否係海洋劫盜抑或賊人夥黨之處嚴切跟究務得寔情用兵之時不必按例具題一面奏聞一面正法並着拏獲一案即將審辦情形先行具奏其未獲者俟拏獲審訊明確再行隨案續奏至漳泉二府應徵錢糧雖已具報開徵而各州縣因承辦兵差未及催徵報解所有未完錢糧及屯米業經該督遵旨出示緩徵務須督飭所屬嚴行稽察俾閭閻得受實惠毋任吏胥影射滋弊現在南路賊匪

經官兵搜勦賊目莊大田已有潛逃之信今據李侍
堯奏北淡水一路漸覺寧貼時有米船到彼糧價平
減是南北兩路於勦捕之事俱有轉機該將軍等亟
應趁賊匪潰散之時乘官兵新到及鋒而用各親自
統領南北兩路會合柴大紀擒拏賊首賊目進搗賊
巢迅速藏功至李侍堯所奏守備羅禮璋外委陳臯
在大屯山有挑運私礦匪徒率兵前往查拏該匪棄
擔而逃不知去向是何言耶該守備既見有挑運私

礦之人自係賊匪即使帶兵不多不能盡獲亦應擒拏一二人以便跟究嚴訊何至竟任該匪悉行逃散羅禮璋陳皋殊屬無能著藍元枚嚴行申飭此二人遇有勞績不准記功以示懲儆再李侍堯請將福寧鎮何俊暫署水師提督一節何俊如果熟悉海疆足資彈壓自可令暫署否則前此派出赴閩之王炳人亦明白著該督於此二人內酌其才具寔堪勝任者量委一人署理水師提督於巡緝稽查更當得力

欽定平定臺灣紀畧卷二十九

欽定四庫全書

欽定平定臺灣紀畧卷三十

八月初九日

甲辰

常青恒瑞同奏言南潭中洲各處

之賊又糾衆三千餘人三面來攻大營當派侍衛

烏什哈達章京岱森寶總兵梁朝桂等各帶弁兵

並令臣常青之子希明隨同烏什哈達等迅往迎

擊施放鎗砲約打斃賊五六十人賊即敗退奪獲

賊砲軍械等件因陣雨路滑隨各收兵臣等細思

南路賊匪屢次失利倘或潛赴北路合擾諸羅則
應援之兵必更阻滯不可不預為堵截因於十二
日撥兵二千名分左右隊派令烏什哈達希明梁
朝桂等分帶由兩路進攻南潭中洲賊人分頭抗
拒官兵鎗砲打斃三四十人奪獲賊械六件賊人敗
走官兵追至溪邊泥濘收回十四日又派烏什哈
達岱森寶等各帶本隊弁兵并郡城及山猪毛各
義民_臣等親往督陣調度各官兵分作三路由沙

沙崗嵌脚北勢前赴南潭先將賊人藉為遮蔽之
叢竹密箐隨路砍伐賊人不能藏伏悉出抵禦約
有賊五六千人直來迎撲並與官兵對放鎗砲滿
漢官軍用連環鎗子母砲進步施放約斃賊百餘
人賊各駭奔三路官兵會合追趕由車路干殺進
康厝洋乃賊人又於山坎結隊抗拒迎戰官兵齊
用排鎗直壓賊遂大潰官兵義民追殺直至南潭
燒燬賊人草屋蓬萊數百間餘賊紛竄因該處山

徑逼仄天色已晚不便深入即將官兵撤回是日
除鎗砲斃賊外又殺賊八十餘名擒匪犯高深楊
老二名奪賊砲械七十五件傷亡兵民照例賞卹
查辦_臣等查十四日將弁等帶兵打仗協領海星
阿副將謝廷選都司杭富俱能身先士卒洵屬勇
往內都司杭富在金川軍營已戴藍翎現今仍能
奮勉_臣等將海星阿謝廷選杭富三員一併獎給
花翎以示鼓勵其餘查明出力之千把外委等員

遇缺即行拔擢至此次隨同打仗義民人等內山
猪毛前來之廣東庄義民實為勇猛盡力殺賊查
其有功受傷者臣等面為嘉獎分別賞給銀牌番
元莫不踴躍臣等察看南路賊匪經官兵連日搜
剿自不能分赴諸羅結黨聚擾臣等俟雨水漸少
兵力敷用即乘銳前驅殄滅醜孽至續添粵兵內
未到之八十五名兵船一隻茲已於十五日齊到
又接據遊擊邱能成稟三起各應援官兵於十三

日辰刻自鹿仔草庄起行前往諸羅各兵軍裝係
隨帶需用所剩藥鉛帳房鑼鍋等項俱存鹿仔草
看守俟道路相通另行搬運遊擊即帶駐劄弁兵
四百餘名沿途開路護送大兵前進施放鎗砲打
敗賊匪四散奔逃直至湯圓店地方將隊伍劄住
隨令武舉陳宗器黃奠邦監生藍應舉名下義民
為大兵嚮導護送同往約未刻將進諸羅遊擊仍
帶弁兵回鹿仔草固守並據臺灣道府轉稟據

隨營巡檢邵宗堯稟稱十三日申刻差役在鹿仔
草打聽官兵於本日辰刻三起攻勦直前殺退逆
匪於午刻已抵縣城所有解縣餉銀隨同前進各
等語查應援各兵業已齊到縣城既可保固無虞
賊人自必伎窮勢蹙俟接有柴大紀魏大斌等咨
報會勦情形再星馳奏報又武舉黃奠邦義民同
兵丁護解匪犯蘇普陳紀二名鳳山縣義民武生
吳鷹揚等護解匪犯陳媽球陳接老陳燕恭閣四名

內除誤拏之蔡閣一名訊非賊夥保釋被脅隨行之陳蘇一名擬遣另辦外其陳紀陳接老二犯俱曾隨賊攻城殺人當即訊明正法至陳媽球原籍同安縣於三十年来臺灣與莊大田賊夥張基光熟識上年莊大田攻陷鳳山該犯投張基光入夥給有旗號手下有洪富洪義等四十多人在太湖與官兵打仗三次本年因政府城受傷莊大田許做先鋒五月間至東港各庄派飯纔被拿獲蘇

普原籍亦係同安在臺灣生長係林興文夥黨李
七於上年十一月間招入天地會至十二月初間
林興文攻諸羅時即領旗號同李七攻入西門林
興文封為存城千總隨又同李七攻鹽埕橋本年
二三月間俱隨李七來攻府城因至打苗庄糾
人被獲該二犯罪大惡極應請解交刑部再行確
審

同日孫士毅奏言聞林興文等狡詐百出指使零

星小賊騷擾各處村庄使之不得耕種而於大里
杙賊巢之外築起厚牆如城垣光景擋住我兵搜
捕之路其中各處山田徧種禾稻雜糧使將來外
間乏食窮民不得不迫而入夥又聞賊人缺少火
藥其砲子鎗子鑄造不能如法勢難及遠每於我
兵施放鎗砲之後滿地撿拾鉄子用以抗拒我兵
臣是以每於點送粵兵赴臺時面諭領兵將弁必
須賊人見面計鎗砲可到方許施放毋令於相距

稍遠之地隨便施放不能勦賊而轉為賊用又聞
大里杙後山名曰三湖三湖之後即係生番地面
此內數處生番已為賊人所戕佔住村落為將來
竄伏之地臣思該處內山皆係生番地面此數處
生番雖為所戕其餘為數尚多似可就近設法密
遣熟番進山曉諭生番人等逆賊林爽文與爾等
勢不兩立爾等若不再同心協力勦除賊匪將來
爾等地方勢必盡為所佔剗切諭知則以番攻賊

或者亦可得力又聞逆犯已於水口暗造賊船數十隻希圖危急之時逃入洋面臣係屬風聞不知水口確實地名伏思勦除賊匪寧可再遲一月半月至一經勦除必須生致賊首盡法處治現在既以厚集兵力定可計日成擒應將賊人竄逃詭計先為絕其生路庶為周妥

同日藍元枚奏言彰屬自條圳塘東螺西螺數十庄約計一萬餘人多係同安彰州民人內中因畏

焚殺從賊不少臣隨令武生陳大用係同安人武
生鍾奇英係漳州人分頭前往詳細曉諭各村庄
人等令其保守村庄各安生業旋據稱各庄百姓
俱皆感激改悔不敢從賊臣籌度西螺賊匪雖衆
係藉該地百姓脅從鳩聚若該地之人不敢附和
則林爽文撥來竄踞之賊亦屬有限勢易攻殺但
西螺離臣營盤五十里若臣帶兵前往恐一聲張
則賊匪必先設備於事轉為無益是以派撥守備

張奉廷帶兵五百名先去貼防二林於七月十七日
密令該備帶兵同二林義民武生陳大用等自二
林由嵌頭厝進攻西螺又令牌頭兵民由條圳塘
前進夾攻使賊首尾不能相顧當日西螺一帶賊
匪共有千餘人並無防備一見官兵猝至俱鳩集
西螺溪旁迎敵被官兵施放鎗砲打斃數十賊人
賊見各該地村庄從賊之人俱無出來救應隨即
逃散生擒賊匪程甫一名奪獲竹牌牛皮牌二十

三面大小旗八桿焚毀條圳塘中埔厝等處大小賊庄十三庄因西螺村庄係是廣東良民居住被賊所佔是以未令焚毀以示區別但西螺離斗六門不遠兵力稍單未便劄營該守備仍帶兵駐劄二林嚴加堵截至添調漳州官兵四五日內諒可陸續渡到鹿仔港倘守風未到臣仍統現在官兵相機勦捕又臣族中約有二百餘人遷居彰化縣屬耕種度活本年七月十四日有藍啓能等男婦

共七十九人並無行李自山內漳浦蔡前來營盤
據稱因臣帶兵在鹿仔港恐賊來迫脅去大里杙
是以連夜逃走出來等語其有無從賊殊難憑信
當即發交護同知黃嘉訓彰化縣宋學灝會同研
訊據藍啟能等供稱在彰化耕種度活住居漳浦
蔡山頂離大里杙賊巢四十餘里因係僻遠賊匪
所以不來滋擾後聞本族藍提督至鹿仔港恐賊
匪聞知怕我們暗通消息必定要逼我們到大里

杙去若進大里杙便是賊黨連夜各帶家屬從小
路下山來三更時候把路賊人攔住我們拼死抵
敵當時被賊殺死藍任等三人又拏去藍湖等七
人女眷十一口現在不知下落如今求安揆等供
查藍啟能等男婦七十餘人俱是空身逃出衣食
全無臣一面自行捐給口糧若藍啟能等山路熟
識以便隨勦賊匪較為得力仍一面留心密訪倘
其中有曾經從賊者當即明正典刑斷不敢稍為

姑息均奏入

上命軍機大臣傳諭福康安常青李侍堯孫士毅藍元枚柴大紀曰本日常青等奏摺僅係派兵勦捕情形並未大敗賊寇擒獲賊中有名頭目何足以痛示懲創俾賊黨聞風奪氣且賊目莊大田既在南潭官兵前往勦捕時即應偵探賊目所在督率兵民奮力窮追以期一鼓就獲乃屢次俱稱遇雨路窄收兵回營而於莊大田是否尚在南潭一帶藏匿抑係逃往北

路之處並未提及實屬糊塗著傳旨嚴行申飭至南
潭一帶賊人藉為遮蔽之叢竹密箐現經常青於搜
剿時隨路砍伐所辦較好且此事早應如此辦理該
將軍等統兵前往北路遇有似此深林密箐處所即
應隨路砍除廓清道路不使賊人得以潛藏方為妥
善又此次隨同打仗之廣東莊義民甚為奮勇出力
止賞給銀牌番圓尚不足以酬勞著常青查明實在
出力者拔補武弁數人俾該義民益知踴躍奮勉遊

擊邱能成帶兵護送火藥軍裝等項前抵諸羅亦應
陞賞武舉陳宗器黃奠邦監生藍應舉各率義民為
大兵嚮導護送同往亦屬可嘉俱著予以官職用示
獎勵至孫士毅所奏具見留心官兵與賊相遇每於
賊人尚遠之時即行隨便施放烏鎗既不打斃賊人
而鎗子轉為賊匪撿用最為綠營惡習自應曉諭兵
丁如法施放方為得力至賊匪潰敗恐其逃入內山
已早經降旨令該將軍等曉諭生番獎賞花紅布疋

令其縛獻而海口一帶尤應先事嚴防絕其去路著
將原摺及朕批示抄寄常青等閱看並著將孫士毅
所奏各節即行悉心籌辦庶於勦捕有益藍元枚雖
調派官兵分路攻勦西路賊匪兵威較為振作但尚
未能統兵前進擒拏賊首賊目大加斬獲本不應加
以賞賚但以族人藍啟能等男婦共七十九人因所
住地方離賊巢不遠恐賊匪逼令從賊各帶家屬從
小路投出又藍任等三人被賊攔住殺死拏去藍湖

等七人眷屬十一口不知下落藍任等三人俱着加恩賞卹至藍元枚所奏投到之藍啟能等若能熟識山路即令隨同勦賊其中如有曾經從賊者仍請查明正法等語則所辦尤為公當可嘉之至藍元枚著即賞給緋絲蟒袍一件御用大小荷包以示獎勵至藍啟能等挈其老弱自行投訴其畏賊迫脅自屬實情如有熟悉該處路徑者正可用為眼目嚮導令其隨同征勦更為得力且既自行投出亦當遵照前旨

令其自新從前有無從賊之處可以無庸追究

上又命軍機大臣傳諭常青李侍堯琅玕曰逆匪糾結黨夥肆行滋擾如係擒獲助賊頭目關係緊要之犯自應解京確訊盡法懲治至於附從夥黨拏獲後即當隨時正法何必紛紛解京現在陳媽球蘓普二犯尚非若廖東連清水等得受偽職者可比徒勞驛傳殊覺無謂此時早至內地即著李侍堯將該二犯立行正法或業經解至浙江地界即著琅玕查明該犯

等解至何處即在該處正法毋庸解京滋擾累也

同日保寧奏言川省前辦米二十萬石據總理川東道黃軒等具報頭二起共米十萬石已於七月十九二十四日開行其第三四起米十萬石總可以八月初五以內受兌開行至續辦米三十萬石雖為數較多業經飛飭各屬接續動碾現在近處亦已具報起運八月初旬即可陸續運至重慶接續過載發運惟查川江船隻上自重慶起下抵楚

省之漢口止更迭往來經歷灘險非他處人舟所能經涉據川東道及重慶府廳縣等稟現在重慶除已雇穩固大船二百八十隻運米二十萬石外其餘現止有大船一百二十隻通查留雇約僅數載十萬有零恐停米待船不免遲滯一面飭該府等嗣後續到重慶大船緊留雇外並飭忠夔等屬沿江文武挨查上峽客船催令趕赴重慶交載又查湖北宜昌荊州二處附近川東下峽船隻亦

有在彼卸載者已飛咨湖廣督撫一面徑檄宜昌
荊州二府查明該處現有之空船墊給工價飯食
即押令溯流而上交川省地方官轉押趕赴重慶
供用並委員馳赴該處會同查辦約計八月內亦
可陸續湊集不致久滯臣又飭委夔州府知府穆
克登布忠州知州巴寧阿會同夔州協副將三音
畢里克圖重慶鎮中營遊擊管隆阿自重慶起至
湖廣交界沿江一帶分段往來催償並多撥兵役

哨船照料護送奏入

上命軍機大臣傳諭保寧舒常曰此項運閩米石本為軍儲要需寬為儲備之用止須源源接濟若如該督所奏將川省船隻及湖北宜昌荊州等處船隻紛紛押催既有累商民且恐不肖州縣及吏胥等從中需索藉端滋事尤為未便況江浙等省全賴川米接濟若將川省湖廣船隻盡行封催則商販無船裝載川米即不能轉運各省米價必致騰貴於民食大有關

係該督何見不及此著保寧務須設法妥辦無庸將
川省湖廣商船概行封催止需陸續撥運源源接濟
期於要需無悞而商販仍不致有所妨碍方為妥善
臣等謹按川省續辦運閩米石因船隻不敷裝載
檄飭宜昌荊州二府凡有下峽空船俱令押赴重
慶受載固見辦事急公我

皇上早籌及閭閻生計若該省盡將船隻封催則商販
無船轉運各省米價必致騰貴而胥吏復得從中

需索滋弊

聖明所見甚大所慮甚周委曲

指示俾得有所遵循故不特軍儲充裕而商民亦均無妨碍也

同日孫士教奏言此次添調滿漢官兵一萬一千名赴臺會剿從此自可一舉蕩平斷無庸再行添調第軍營情事未能懸揣萬一將來因分路剿捕再有續調必需尅期應付查距潮千里以內一切

營分俱須巡防海口現在抽調已多即督提二標亦已調過四千名勢難再撥此外高廉雷瓊等營均係海疆更關緊要且距潮二千幾百里旱路居多臣斟酌情形似難議調惟粵西緊接粵東較之本省高廉一帶計程為近又係一水可通倘將軍常青等再行咨調可於粵西附近粵東營分抽撥三千名計數尚不為多再右翼鎮及提標兵共一千五百名於七月十七八及二十日入閩省詔安

縣境此時俱已到廈候風開駕查添調之綠營兵
六千名計點送入閩及已到臺者共有四千五百
名尚有一千五百名因與駐防滿兵一千五百名途次相
值臣飭令讓過滿兵即在後尾隨行走以免擁擠計
數日內滿漢兵共三千應均可接續點送入閩奏入報
聞

十一日丙午李侍堯奏言前以本省營兵不敷差防

奏請照派往臺灣班兵之數沿海各營先募十之

三上遊各營募十之二此第為內地營伍空虚起見實未計及將來再有調發之處茲節次接奉

諭旨應再廣為召募第查諸羅現已解圍軍聲日壯近據同知楊廷理吳元琪稟稱本月十四日官兵焚燒南潭見賊寨內只有蕃薯並無米糧又被害之同知王雋家人逃回稱賊目尚有米可吃賊夥惟喫番薯又各賊目不復和睦多有欲投誠者雖賊情狡詐未可盡憑然漸有渙散之勢等語是南路

賊勢已衰看來內地可不必再募兵數萬臣前所
奏募十之二三約可得三千有餘嗣又增募漳泉
兵二千共已得五千有餘今請再於泉州及沿海
各營募兵五千約共成一萬之數臣仍以募兵三
萬為詞使外間傳說其實分開各營召募外間但
見處處增兵固無由知其實數也如察看臺地情
形或尚未旦夕可了則隨時再行增募以新兵存
營訓練而以已練之舊兵派往亦足應手至臣前

以東港被陷已兩次配繒船二隻兵二百名派往
鹿耳門防範今再派兵前往沿海勦殺必須水師
而內地水師各營現因米船被劫等事尤須巡緝
洋面每營除防汛外不過存兵三百及數十名不
等實無可再調今於陸路各營內湊兵一千名配
渡前往移會常青留在軍營進勦而於在臺之水
師兵內換出一千以資沿海勦賊之用查臺郡安
平港內本有戰船數十號可就近配載或在沿海

搜捕或向東港勦殺則海面既有防禦而征兵亦不致短少矣其領兵大員查內地總兵副將內多係一人兼署數缺實亦無可再調擬於叅遊內酌派一員帶領前往再查鹽水港係府城由海道赴諸羅之水路現有柴大紀所派遊擊楊起麟帶兵一千駐守魏大斌又留兵五百名協防並未被賊佔據該處距府城近而距鹿仔港較遠藍元枚須自鹿仔港出海乘船南行方至該處今賊攻諸羅

不利倘乘藍元枚兵出之後來鹿仔港及北淡水等處滋擾則藍元枚又須折回查藍元枚前奏增兵四五千即可直攻大里杙之南或攻斗六門等語今漳兵三千已開洋前往粵兵二千現亦陸續到厦配渡是當責成藍元枚即從前路進攻大里杙斗六門等處既直逼賊境賊必不敢來窺鹿仔港及北淡水即或繞道來窺藍元枚可以就近兼顧似不必赴鹽水港轉須自南而北更覺紆回臣

已移會藍元枚仍向大里杙斗六門等處進兵與
柴大紀會合相機攻勦奏入

上命軍機大臣傳諭阿桂福康安常青李侍堯藍元枚
柴大紀曰據李侍堯奏召募兵丁及臺灣賊匪情形
一摺所辦籌畫精詳可嘉之至前因鹽水港賊匪糾
衆滋擾思欲斷絕糧道是以諭令藍元枚察看情形
帶兵前往鹽水港將賊匪勦殺再赴諸羅會合柴大
紀今據李侍堯奏鹽水港距府城近而距鹿仔港較

遠恐藍元枚帶兵南行賊潛至鹿仔港滋擾藍元枚又須折回即一面具奏一面移會藍元枚令其即從陸路進攻大里戕斗六門等處尤合機要用兵之道原當相時而動今談處情形既有不同自不當拘泥辦理也至南路賊匪糧食就盡其夥黨乏食且互相欺奪彼此不睦各情形係臺灣同知等稟報自當確實現在常青藍元枚兩路應添官兵已據李侍堯先後派撥自早已全抵該處常青藍元枚急應乘此

軍威壯盛賊匪潰散之時一面妥為招撫一面速赴北路將斗六門等處賊匪勦殺廓清道路前抵諸羅與柴大紀會合一處直搗賊巢以期一鼓成擒

十二日

丁未

常青恒瑞同奏言連次派兵數千應援

諸羅軍中偶染暑濕疾病者又十有三二故南路賊首莊大田等探知消息又糾衆於附近各處潛伏窺伺是以臣等於二十四等日督兵搜勦一使其不敢侵犯府城一截其分助北路賊黨合擾

諸羅之路乃敗退後仍未潰散每有乘間抵隙之虞現在時刻嚴防實未可以暫時鬆放且臣等營關帝廳與賊打仗屢經得勝凡被脅之人已知賊匪難敵官軍又見莊錫舍所帶投誠數百人以及山猪毛義民皆隨營効用此等脅從之人聞此風聲自不願始終從賊茲據附近各里庄出具互結請給腰牌歸庄者現有千餘人臣等酌量概行發給該里庄等咸以官軍南向隱有所恃若遽舍

南趨北既恐近府賊窩又思竊發而已經安業各
庄不無惶惑俟暑氣漸減道路漸乾添調之滿兵
粵兵亦可到營即當乘銳前驅一舉集事再赴援
諸羅三起官兵於十三日自鹿仔草起行茲於二
十日接據邱能成績稟官兵至今並無消息差丁
前往諸羅探聽柰道路不通現於十七日賊匪圍
攻鹿仔草自辰至未鎗砲斃賊甚多賊始退去但
現存鹿仔草軍裝藥鉛等項未便疎虞乞賜添兵

前來會同固守倘聞諸邑有鎗砲之聲俾得帶兵
前往夾攻等語查應援三起各兵軍裝係隨帶需
用所剩藥鉛等項原存鹿仔草看守不可不加緊
保護且各官兵於十三日前赴諸羅至今尚無文
報而賊又回攻鹿仔草則其勢似復猖獗已派撥
遊擊董秉燦管帶本標兵四百名由海道趕赴鹿
仔草協同防禦奏入

上命軍機大臣傳諭阿桂福康安常青李侍堯藍元枚

柴大紀曰今日據常青奏到情形則又似南路賊匪仍未潰散尚在窺伺滋擾而於賊匪乏食一節並未奏及以掩飾其不即分兵往北之咎是誠何心且常青等派兵應援諸羅及軍中偶染濕疾之處使賊目等預先探知消息又復糾夥窺伺似此機事不密誰實當其咎耶況常青等所慮官兵若舍南趨北恐近府賊窩乘間竊發安業各莊不無惶惑一節殊不思常青恒瑞同在府城營盤原令一人統兵前往北路

一人留營駐守並非令二人一同前往一兵不留在
府城營盤也府城營盤既有兵防守又有大員統率
彈壓有何可慮豈得因賊匪牽制並不挪移尺寸之
地若云保護村庄則各處村庄甚多即數萬之兵亦
不足敷零星分撥防守豈又將增添大兵乎况現據
常青奏賊匪圍攻鹿仔草遊擊邱能成請兵接應常
青又添兵四百名前往等語似此零星派撥於事何
益總由常青等並未帶領大兵前往北路是以賊匪

猖獗於魏大斌等前赴諸羅之後又復潛出鹿仔草
滋擾思欲邀截軍裝火藥等項是仍中賊之計也今
常青等既知派遊擊帶兵四百名接應何不親統大
兵前往痛加勦殺廓清路徑似此弁兵四百豈能得
力且鹿仔草係僻小村庄前後皆有賊匪此四百官
兵應須口糧從何接濟若再有挫失咎將誰任常青
於此等事何茫無主見若此又藍元枚處亦屢有旨
令其統兵自北而南直抵諸羅合兵會勦乃亦並未

前進看來常青藍元枚總因持重怯懦畏蒞不前常
青不免蹈黃仕簡覆轍而藍元枚遷延觀望亦與任
承恩相仿伊二人受恩深重非如黃仕簡之老病頹
廢任承恩之少不更事者可比若再事因循其獲咎
將甚於黃仕簡任承恩矣朕為爾等畏之現在浙粵
二省駐防綠營及續調漳州兵早已到齊計此旨到
時節候又屆深秋暑氣已減雨水已稀該將軍更復
何所藉口惟當乘此兵力厚集新到銳氣及鋒而用

會合進勦若俟福康安到彼一舉蕆功伊二人將置身何地耶至南路被脅從賊之人已知賊匪技倆難敵官軍附近各庄民人俱請給腰牌歸庄該將軍等即應妥為撫慰設法招集遵照前旨或令入伍或令歸農俾聞風投出解散賊黨方為妥善至柴大紀處於魏大斌等前抵諸羅後如何攻勦殺賊其邱能成所押軍裝火藥於何時在鹿仔草殺退賊匪直抵諸羅並著迅速具奏

同日舒常姜晟同奏言楚省碾運閩米十萬石自
初十日起運頭批為始陸續開行徑從長江運赴
鎮江一面飛咨李世傑預脩接運船隻應於何處
換載並或由上海或由乍浦出口之處均候李世
傑等飭行調度再湖南省運閩米石臣舒常現已
咨會湖南撫臣浦霖一體遵照奏入

上命軍機大臣傳諭舒常姜晟浦霖曰前因江西五福
一帶溪河淺窄竹筏撐運遲緩是以諭令楚省省運閩

米石俱由江南出口海運旋據何裕成奏稱五福濬
流修路以來夫役漸衆竹筏亦多楚省米石即可以
由江西陸運等語因復降諭旨將湖北湖南米石一
併由江西五福一帶接運赴閩今舒常等自係因未
經接奉前旨乃有此奏著即遵照續降諭旨由江西
陸運較為妥速況江南封僱海船亦覺竭蹶莫若徑
由江西陸路以省往返稽遲也

同日孫士毅奏言粵東再派兵一千名抽調尚易

臣 即將潮屬各營抽撥一千名速應軍營之用其
軍裝火藥鑼鍋帳房等項 臣 俱早令各該營先期
預備計檄調文到一日即可集事內除潮州鎮標
存城兵距黃岡一百里可以朝發夕至此外近者
八月初一二遠者亦不過初五六等日均可點送
出境至駐防滿兵一千五百名分作四起自省起
程七月二十五日頭起已經赴閩計至二十八日
四起均可出境至尾隨滿兵行走之綠營兵一千

五百名臣已預飭地方官多備夫役擡送軍裝即
於二十九三十日分作兩起出境至現在添調之
一千名八月初即可接續前進再臣思北路又請
添兵似勦除逆賊尚非旦夕之事所有昨請預備
粵西兵三千名若在西省地方等候計自行文到
彼以至抵潮出境至速亦須一月仍屬不能應手
惟有調駐閩粵交界處所既可遙壯聲援使逆賊
聞之震恐氣懾萬一接咨添調則陸程五日到廈

由厦到臺照常不過三四日不出十日軍營已收
臂指之用如逆賊即日蕩平則此項兵丁仍由水
程回至粵西沿途所費無幾奏入

命軍機大臣傳諭孫士毅曰據常青等奏勦捕事宜
已漸次就緒現在各處調派官兵陸續配渡此時已
可齊抵臺灣儘足敷用所有孫士毅奏請預備粵西
兵三千名竟可不必以省滋擾

欽定平定臺灣紀畧卷三十

移咨撫

臣

即在省城料理點派起程計十日內即

可至北淡水至內地募兵一事

臣

前接臺灣道永

福所稟官兵已直抵諸羅魏大斌柴大紀等裏外

會合即可乘勢進勦指日不難滅賊是以

臣

奏明

三次共募兵一萬有餘之外可毋庸再募今准常

青寄來摺稿則魏大斌等進抵諸羅後又無信息

恐係賊人故意撤圍俾官兵抵縣却又于後梗阻

道路使所運糧餉火藥不能前往接濟是不惟柴

欽定四庫全書

欽定平定臺灣紀略卷三十一

八月十五日

庚戌李侍堯奏

官所募新兵入伍未及

一月雖上緊操演而技藝尚未嫻習所製鎗械亦

未齊全現挑各營舊鎗使之演放必須一兩月後

方可調用是以臣飛檄督撫兩標及水師一營城

守一營現存額兵內挑奏一千派將脩管帶即由

五虎門出山赴北淡水隨同徐鼎士協力堵剿已

脅從房屋已燒資糧已罄不得不從賊搶擄以延旦夕近接將軍常青摺稿稱各庄民又有改悔出結歸庄者大兵進勦必多自拔來歸然不稍資其生計俾得暫可度日則無食之民仍無所賴未免觀望不前若來投者即加以撫卹安插使得重延殘喘復為良民則脅從之徒誰不相携而至是米之在漳泉固所以綏靖地方而米之到臺灣尤足以散賊黨而省兵力是宜多為解運源源接濟今

浙省所撥之十萬石將次到齊八月中浙江江南
江西之米又可到一二十萬石擬先行解往臺灣
南北兩路以供支應官兵義勇口糧及招撫脅從
之用其內地平糶等事九十月間各省米又必有
解到者以之分運各處平糶自可陸續應手至臺
灣撫卹安插之事臣現咨令常青藍元枚並飭辦
理糧餉之臬司李永祺及臺灣道府等官兵隨路
廓清有被脅來投者隨時察看情形或就各村庄

而自大甲過溪為岸社等處係賊之背乘高而下
易于俯制若鹿仔港攻其南大甲攻其北可使賊
腹背受敵又本月十一二等日聞賊營中時有砲
聲探係賊夥自相攻殺該同知又訪有何清鳳與
賊目何安邦交好因令何清鳳轉為開導據稱何
安邦情愿立功贖罪是此時尤可乘虛進勦等語
查徐鼎士及守備潘國材等兵一千八百餘名已
移駐大甲又有食糧義勇三千名并岸社義民熟

番共四千名今又增派官兵一千即由五虎門前往正可壯軍聲而作士氣是又增勦賊之一路臣一面知會藍元枚相度情形或應進攻斗六門一帶或即與徐鼎士彼此訂期徑攻大里杙務當奮勇前進勿致坐失事機再漳泉一帶現在尚有早禾可食計九十月間必須平糶直至明年青黃不接之時約二三十萬石可以敷用臺地除接應兵糧及鄉勇難民外現在賊匪勢又鴟張其寔俱係

添兵五百究屬單薄沿海一帶並須預為防範前
所續派前往鹿仔港之兵二百及鹿耳門之兵二
百尚恐不敷應用一面於新募水師兵內擇其稍
習鳥鎗者酌派六百名前往澎湖及各港口協同
舊派之四百名往來梭織防護斷不至稍有疎失
再浙省駐防滿兵已到二百五十名粵省駐防滿
兵已到六百名俱隨到隨即登舟候風計初十以
內所有滿漢官兵皆可到齊配渡至洋面劫案繁

多實由該營員怠巡已慣視緝盜為具文近又因水師屢調之後存營兵少不能輪流更換以致曠悞是以臣前奏請於沿海各營照派往臺灣班兵之數先募補十之二三及時操練以備巡防昨募足五千後又增募五千現又增募萬餘名俱係水陸兼募自此水師各營既有新募之兵及時操練一面即可將舊兵多為抽派廣布巡船輪流在洋嚴緝盜賊兼同地方文員所撥差役護送官米船

隻以免疎虞查金門海壇閩安烽火門各鎮協營所轄海道相連每營不過二三百里如果各于所轄之二三百里內實力巡查則匪船自無從寄泊臣今嚴飭各營每營派兵四百名配載繒艍各船分作兩班每班二百名專派備弁帶領各兵于所轄之洋面輪流出巡一月一換如有失事按照所轄之洋面嚴叅治罪

同日徐嗣曾奏言浙省六起滿兵已經全數過省

係入鹽水港後在內港起圻至諸羅之馬頭並非
沿海港口今鹽水港有遊擊楊起麟劄營鹿仔草
亦有遊擊邱能成駐守而笨港被賊搶擄之後臣
恐賊匪出海滋事已撥繒船二隻水師兵二百名
前往鹿仔港防護近據臺灣道府稟稱府城近日
有北淡水米船到來是以糧價漸平等語北淡水
由海道至府城必從笨港口經過今北淡水之米
可以至府則笨港尚無賊匪滋擾可知至澎湖雖

以身免竄聚斗六門不敢回彰聞大里杙等處巢穴存賊尚有萬餘查大甲溪自南而西過大肚溪十餘里即近鹿仔港由北而東自犁頭店至烏日庄即逼近大里杙賊巢七月十一二等日聞賊營時有砲聲密差偵探係犁頭店賊夥自相攻殺現在官兵一千七百餘名所募義民番勇共七千餘名誠得鹿仔港大兵密訂進期先在大肚溪等處聲援即分兵兩路一攻大肚以斷賊營之右一攻

大紀被圍而魏大斌等又在賊圍之中雖據常青
已派兵前往接應但看來事勢或尚須量為預備
則內地募兵必須多多益善擬于水陸各營再募
兵一萬及早訓練所有烏鎗等軍械亦飭司速撥
銀兩令各營分頭製造臣惟有日夜催趲以期應
用不致遲悞再臣接據副將徐鼎士同知徐夢麟
等稟稱現在林爽文在諸羅攻圍未暇歸巢寔為
有機可乘查鹿仔港在大里杙之南須步步仰攻

烏日莊以絕賊營之左烏日一破縱使大里杙勢甚完固架以大砲四面環轟如拉枯朽更得兵一枝扎營南投隔斷虎仔坑陳泮賊巢使其不能應援而林圯埔水沙連等處賊匪亦不敢蠢動並已預遣安人前往結好生番在內擒獻以絕林爽文逃入內山去路腹心之患既除餘賊以次搜捕勢如瓦解商之各脩弁義勇人等無不衆口同聲及鋒欲試惟需添兵一二千名迅速由大安進口幫

黃賑或量給錢米俾得存活一面勸諭伊等及時
補種番薯之類以資口食則賊夥日益解散逆首
自易就擒至軍前既有隨路撫卹等事需用佐雜
人員必多臣并多行挑選派令解運銀糧前往即
酌量留於該處委用內地現有揀發一等舉人陸
續到閩可以差遣亦不致乏員再查澎湖係鹿耳
門之門戶該處距鹿耳門洋面三百餘里鹽水港
笨港兩口則又在鹿耳門之北相去更遠鹿仔草

逆首勢孤力竭不難指日就擒即或攻圍稍需時
日賊仍退而返顧則南路之勢已解官兵可移而
向北并力齊攻亦可迅速歲事細核該將丞等所
稟似屬實有所見其稟內所請餉銀先經督臣撥
銀五萬兩解往日內定已應手惟兵力稍單正在
亟需策應而奉

旨添兵適值該處稟到請兵之日現在船隻俱已催齊
飭令該兵等多帶火藥已於初四日登舟候風開

駕復經督臣飭司添撥銀三萬兩米六千石委試用知縣王履吉押附兵船帶往糧餉已極充裕又查上年調兵渡淡水時因竹塹新庄等處皆有賊擾今兵由八里坌上岸前抵大甲溪尚有二百餘里山徑亦多迂折臣細訪路徑照依徐鼎士所稟由五虎門出口直抵大安港登岸相去大甲止有十餘里較為便捷是以即雇募熟悉此路之舵水人等徑由該處進發以期早資接應均奏入

上命軍機大臣傳諭福康安常青李侍堯藍元枚柴大紀徐嗣曾卽魏大斌援應諸羅而卽能成所押糧餉火藥仍被賊匪梗阻不能前進看來竟係賊人狡計將魏大斌放出重圍聽其入城仍將糧餉截斷道路梗阻則柴大紀雖與魏大斌會合仍不能勦散賊匪而諸羅添此應援之兵糧餉又被截斷更恐軍糧不給是賊匪奸計顯而易見數日待柴大紀奏摺未至正為此焦心但前據常青奏接據巡檢邵宗堯稟報鹿

仔草官兵已抵縣城所有解押餉銀隨同前進等語
則又似所運糧餉等項亦已前抵諸羅如果所報屬
實則官兵自可無乏食之慮否則有兵無糧其勢豈
不更為急迫著常青李侍堯將所運諸羅糧餉火藥
究竟仍在鹿仔草或係全行運到及鹿仔草道路曾
否打通不致梗阻之處迅速馳奏至柴大紀處雖援
兵已到勢尚單弱且據李侍堯奏徐鼎士稟報賊首
林爽文現在諸羅攻圍是該處賊勢尚熾常青急應

接准督臣咨再撥兵一千名由五虎門配渡竟赴

淡水接濟徐鼎士囑臣留省料理當即督同將脩

將各兵迅速挑派一面上緊催脩船隻一應糧餉

軍火器械等項部署停妥適于初二日接據副將

徐鼎士同知徐夢麟稟稱自抵大甲後官兵先後

到齊並募集義民番勇分隘劄營連戰克勝探聞

諸羅柴大紀于六月二十八九兩日與賊鏖戰賊

目葉省蔡福俱斃于砲餘賊死者無數林爽文僅

其由西安江山赴閩係屬陸路所需馬匹已飛咨
提臣就近酌調衢州鎮等處營馬應用至江浙運
閩米石用船甚多俱係兩省合力雇辦茲欽奉

諭旨念及商販令臣等量其緩急酌籌妥辦是米石既
稍可酌分緩急船隻亦從容易辦惟是海船全資
風力此時將屆深秋西北風當令運閩赴南可以
遄行而自南赴北自不能如夏令之便捷現在川
省米石既起運迅速其續運之米自跟接而來若

兩湖之米不相照應一時發運恐船隻不敷配載
致擁擠海口徒滋守候抑且各商船聞海口屯米
過多致啟隱避之弊查浙省兩次運閩之米接據
委員稟報在泉廈兌收者已有九萬一千一百餘
石浙省採買之米及江南江西續經起運者亦可
接踵而至此時閩省已有米石接濟可以無虞缺
乏此等運閩米石止須源源接運以備應用原不
必同時運到懇

守大甲徐鼎士等即統帶官兵義勇再添募義民
數千隨同進剿益壯聲勢並請發餉銀五萬兩以
備軍需各項費用等語臣竊思大里杙一帶久為
逆首盤踞深溝高壘營巢愈密以為將來抵死負
隅之所而南路中路鹿仔港官兵俱為賊牽掣未
能分兵進逼惟淡水一路自竹塹城以北此時搜
捕漸淨官兵俱駐大甲溪該處逼近賊巢地勢又
較便捷果能乘隙進搗將逆黨私蓄一炬而盡使

佐雜各員分段專管輪流稽查刊發填報單式飭令臬司隨時查核其餘運送軍裝並火藥鉛彈餉鞘等項需用人夫為數甚多額設扛運人夫斷不敷用均飭隨時添雇統俟事竣後核明添雇確數按照軍需則例據實造冊報部請銷再現在福康安等馳赴臺灣自嘉興府起至衢州府屬之西安縣俱係水路所有一切船隻及由省城至江口應用馬匹已飭管理驛站之臬司歸景照妥為辦理

充仍須嚴密查防至臺灣南北道路被賊阻隔往來文報俱由海洋遞送經嚴飭各海口員弁實力稽查現督臣李侍堯又派撥哨船二隻前來巡查

更為有益此時鹿仔港一帶洋面頗覺安靜二林海口現有守備張奉廷帶兵五百名同義民駐劄查自二林以南村庄係賊匪出沒之所第東螺西螺一帶數十庄先經臣差該地武生陳大用鍾奇英等愷切曉諭令其保守村庄各安生業本月十

七日乘其不備官兵分路攻勦西螺賊匪該地百姓俱無助賊今臣又差武生陳大用陳飄香等分頭前往海豐港麥仔藔沿海各村庄遍貼告示面為曉諭使沿海百姓咸知大義糾集鄉勇共禦賊匪則賊勢益孤便易設法勦捕奏入

上命軍機大臣傳諭福康安常青李侍堯藍元枚柴大紀曰前以藍元枚奏殺退西螺賊匪擬即統領官兵相機勦捕又伊族人藍啟能等在彰化投出懇求安

挿所辦尚屬妥協方以藍元枚係本省人統本省官兵可資倚任是以加恩獎勵藍元枚自應倍加奮勉速圖奏績且前因兵力單弱奏請增添業據李侍堯奏到粵兵漳兵皆經陸續配渡開洋自己早抵鹿仔港該叅贊正應乘其銳氣鼓勇前進以期迅速集事今閱所奏情形止係遵旨曉諭被脅賊衆防範海口各事宜且據稱臺灣南北道路被賊阻隔往來文報不無遲滯是則更應速領官兵前往勦殺打通道路

遵照前旨親統大兵迅赴諸羅合力攻勦至徐鼎士稟稱令鹿仔港大兵密訂進期在大肚溪等處聲援而徐鼎士分兵兩路一攻大肚一攻烏日庄斷賊左右烏日一破即以大砲轟擊大里杙使賊人腹背受敵又可乘高而下為島穴擒渠之要策藍元枚前已有旨令其統兵徑赴諸羅會合常青柴大紀今大甲一路既有可乘之機該叅贊又當與徐鼎士速行訂期夾攻以期會合直搗賊巢用兵之道原貴相機而

動不必拘泥前旨並著李侍堯藍元枚傳諭徐鼎士若能督率兵民乘機進勦傾其巢穴則逆匪夥黨聞風解體更無難迅速掃除撲滅是平臺之功徐鼎士實為第一將來受朕恩眷豈復可量耶徐鼎士務須倍加努力速成大功至徐鼎士所稱賊營中時有砲聲探係犁頭店賊夥自相攻殺又訪有何清鳳與賊目何安邦交好因令何清鳳開導何安邦立功贖罪一節此係極好機會藍元枚近在該處何以並未奏

及賊人夥黨既自相殘殺已有內潰之勢常青藍元枚等急應乘機招集或勦或撫以解散賊黨至李侍堯所奏一切經理妥協甚愜朕懷徐嗣曾照料過兵及撥運糧餉前赴淡水所辦亦好至從前洋面被劫各案實由該營員廢弛懈怠視巡緝為具文以致匪徒公行無忌事定後急當嚴行查叅俾弁員知所警戒並著該督於審辦此案隨時具摺陳奏一次并將有無獲犯一併據實具奏

同日琅玕奏言浙省自嘉興入境首站以至錢塘
向用馬遞自富陽以至江山向用夫遞上年添設
腰站每腰站一處用夫遞者撥夫八名用馬遞者
撥馬四匹夫四名人夫接遞之正腰站十九處每
處酌添夫八名並因西安縣至閩省浦城縣交界
計程二百四十餘里皆崇山峻嶺遞送維艱若腰
站四十里始行更換人力易致疲乏飭令於正站
腰站之外每十里再設夫八名接替遞送並派委

羅尚未據續有奏報並着常青藍元枚柴大紀各行迅速馳奏至福康安已有旨令其星速遄行今看常青藍元枚于剿捕事宜竟無定見當必須福康安前往督辦方能藏事福康安在途行走務須益加緊急及早到彼督率調度以期迅奏膚功再賊首林爽文糾衆謀逆罪大惡極覆載不容其祖墳自必近在漳州一帶着李侍堯密委妥員將林爽文祖墳先行刨挖剝骨揚灰以申國憲而快人心亦申賊勢之一法

勅下兩湖督撫

臣

將應運米石如已起運者聽其運赴

海口

臣

等酌量隨時起運如尚未起運者暫停發

運俟川省末起米船全行過楚後將楚省之米運
赴海口換船起運如此稍為通融庶船隻可以陸
續購雇不致掣肘奏入

上命軍機大臣傳諭琅玕曰湖北湖南米石已一併由
江西五福一帶接運赴閩現在江浙兩省雇備海船
已覺竭蹶該撫此時祇須遵照昨降諭旨將川省運

閩之米陸續雇脩海運船隻其楚省米石即由江西
陸路運往俾海陸兩路源源分運接濟以備應用自
可無虞缺乏著琅玕將現在接濟川省米石出口船
隻計算足數運送者預為雇脩其楚省運米船隻毋
庸封雇致滋擁擠稽遲

十七日

壬子

藍元枚奏言賊黨近日因被官兵各路

勦殺脅從之衆未免解體經臣出示曉諭乘間來
歸者頗不乏人惟是賊匪詭計多端恐有奸細冒

府城外賊勢有未可移動營盤之處然究不免為賊所綴未能扼要制勝茲蒙以常青是否可了此事之處

垂詢臣察看此事情形總以能打通諸羅為第一關鍵如常青果能親自率兵前往打通諸羅道路與柴大紀魏大斌等會合則軍聲已振賊勢自衰柴大紀最為奮勇且臨機應變調度得宜既得與常青會合一處必能協心併力共圖進剿兼以內地續

調之兵現在陸續配渡不日可到似即可乘勢搥
穴擒渠完結此事但目下五六日內尚未得諸羅
信息萬一諸羅一時不能得手則常青恐不免著
忙可否於武臣中如海蘭察者授為叅贊大臣令
其前來會同常青督率料理賊匪雖多究係烏合
之衆自不難摧敗在海蘭察久歷戎行來當重任
自必期于妥辦且俱係粵閩大臣同舟共濟亦無
待常青駕馭然後出力而常青處事亦極明白決

不肯各立意見自當坦懷商度相與有成則勦匪之事似即可及早告竣再廣東駐防滿兵一千五百名副都統博清額帶領已於七月三十八月初一初二初三等日全數抵厦俱已配渡現在候風開駕浙江駐防滿兵亦陸續到有四起隨即登舟江寧將軍永慶已於初五日抵厦尚有二起日內亦可到齊至粵省最後之綠營兵一千五百名隨滿兵後行走亦于初五日到厦七百名即由厦門

乃既未前往進勦而於作何調度會合之處亦並未
陳奏看其光景竟係株守鹿仔港一籌莫展矣即云
持重亦不應恇怯遷延若此前此任承恩在鹿仔港
時心存觀望束手無策以致曠日持久貽誤機宜是
以降旨革職拏問治罪藍元枚尤非若任承恩可比
若復踵前轍觀望不進則藍元枚獲罪尤重不可不
慎着先傳旨嚴行申飭前因徐鼎士擬由大甲分兵
攻擊大里杙之北並約會藍元枚從鹿仔港進兵大

肚溪以期裏外應合俾賊人腹背受敵搗其巢穴因諭令藍元枚即由大肚溪進兵夾擊不知徐鼎士此策知會藍元枚否如藍元枚接奉前赴諸羅之旨已領兵自北而南固屬甚善否則亟應帶兵速赴大肚溪會同徐鼎士夾攻大里杙賊巢機不可失藍元枚務須加倍奮勉力圖自効勿再因循遲緩再柴大紀於魏大斌前抵諸羅後如何攻勦殺賊遊擊邱能成所押軍裝火藥于何時在鹿仔草殺退賊匪前赴諸

往不日即可到彼所謂成事不說至福康安於途次
遇有常青李侍堯等六百里加緊軍報仍可啟看若
大里杙已經摧破林爽文莊大田等並就殲擒則福
康安一聞此信或抵泉州後即可旋回其善後事宜
固常青所優為無須福康安前往幫辦倘大里杙雖
已摧破而賊首賊目尚未就擒或林爽文莊大田止
擒獲一人未能蕺事則福康安仍當速渡臺灣督同
勦捕以期迅奏膚功至常青等所請添兵彼時尚未

全到雖進勦稍需時日朕亦不加責備常青等若能於福康安未到以前將首夥各犯弋獲則平定全臺仍是伊等之功常青等不必心懷疑懼惟當悉心籌畫奮勉自効速圖奏績

二十日

乙卯

上命軍機大臣傳諭福康安常青李侍堯藍元枚柴大紀曰柴大紀處半月以來總未據續有奏報甚為煩悶因思魏大斌應援之兵既已會合柴大紀即不能

進攻大里杙賊巢自應令魏大斌分兵出城將從前經過道路如鹿仔草一帶屯聚賊匪先行勦散廓清道路縱使魏大斌不能分身亦應于將弁中擇其勇幹可恃者令其帶兵出城剿捕何以魏大斌到彼柴大紀仍復漫無舉動豈添此魏大斌兵力徒令幫守縣城甘心受賊圍困而不思乘其新到銳氣相機進勦耶著傳諭柴大紀急應設法籌畫倍加奮勉

欽定平定臺灣紀畧卷三十一